



partii naleraq

Ulloq. 20. august 2020

Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisunut apeqqut imaattoq saqqummiuppara:

**Naalackersuisunut apeqqut:**

UKA 2017/71

Inatsisartut aalajangiiffigisassaattut siunnersuut Naalackersuisut peqquneqassasut Nunatsinni nioqqutissat akiisa OECD-imi inuussutissat naliginnaasumik akiisa agguaqatigiisinnerinut naleqqiullugu nunatsinni qaffasippallaarujussuarnerisa sumik tunngaveqarnersut misissus-sagaat. Misissuinerup malitsigissariaqassavaa iluarsisoqarnissaanut kiisalu ungasinnerusoq eqqarsaatigalugu qanoq akit appartinnissaannut siunnerfimmik aqqisoqassasoq. Misissuineq UKA 18-imi inatsisartunut saqqummiunneqassasoq innersuussutigine-qarluni.

(Inatsisartuni ilaasortaq, Per Rosing-Petersen, Partii Naleraq).

aamma

UPA2019/194

Nunatsinni nioqqutissat akiisa OECD-imi inuussutissat ulluinnarni atorneqakkajuttut naliginnaasumik akiisa agguaqatigiisinnerinut naleqqiullugu nunatsinni qaffasippallaarujussuarnerisa sumik tunngaveqarnersut misissueqqullugit naalackersuisut peqquneqarnissaannik Inatsisartut aalajangiiffigisassaattut siunnersuut.

Misissuineq UKA2020- imi nallertinnagu inatsisartunut saqqummiunneqassaaq.

(Inatsisartunut Siumup gruppiani ilaasortat)

**1. Qulaani takuneqarsinnaasut siunnersuutit Inatsisartuni isumaqataaffigineqarlutik aalajangiiffigineqarsimasut naapertorlugit Naalackersuisut misissuinerat sumut killippa?**

(Inatsisartuni ilaasortaq Jens Napâtök, Parti Naleraq)

**Tunngavilersuut:**

Nunatsinni nioqqutissat akii neqerooruteqarfiusanngitsuni qaffasissorujussuupput, minnerunngitsumik KNI-Pilersuisoqarfinni nunaqarfinni illoqarfinnilu mikininnerni isorliunerusuniittuni. Nunatsinni Niqqutissat akiisa aqunneqarneranni inatsisitigut tunngvissat ersarinnerusut pilersinneqartariqartut Partii naleqqamiit isumaqarpugut.

Ullut sulliviit qulit qaangiutsinnagit akineqarnissara kissaatigaara.